



Til:

Kopi:

Notat

Dykkar referanse	Vår referanse	Sakshandsamar	Dato
	2024/507-5	Guri Olsen	09.04.2024

Notat innspel frå elevrådet

Elevrådet har fått notat med spørsmål som utgangspunkt for møte for å kunne gi innspel til kva som er viktig for barn og unge.

Elevane har tatt notatet med i klassane og fått tilbakemeldingar der, og nokre av elevane i elevrådet møter underteikna og inspektør for samtale kring tema. Sakshandsamar har også fått notata frå klassene. Notatet er laga på bakgrunn av notata og samtala i dag, 09.04.24.

Innleiing

Barn og unge har ikkje stemmerett og er ikkje representert i kommunestyret. Men dei er om lag 20% av innbyggjarane i kommunen. Det må komme fram kva som er viktig for barn og unge, og meiningane deira er viktig for kommunen. Reglane er slik at vi må høyre på barn og unge og legge vekt på deira meiningar når det vert utarbeidd planar osv.

Dette er bakgrunnen for at elevrådet er utfordra på å bidra inn til dei nye retningslinene for sal og skjenking av alkohol i kommunen.

Om rusa personar

Å sjå personar som er rusa påverkar barn og unge. Nokon vert meir påverka enn andre, og tid og stad er også avgjerande for opplevinga av denne type hendingar. Den rusa sin oppførsel i rusa tilstand er også avgjerande. Om vedkommande verkar skremmande ol.

Skjenketid og tal skjenkestadar

Ingen særlege tankar kring dette. Virker å ha fungert greit.

Alkohol i samband med arrangement.

Her kjem det ann på tidspunkt på dagen, målgruppa for arrangementet og liknande. Det er lit forskjell på tidleg på dagen / føremiddag og kveldstid. På ettermiddag / kveld er det ikkje like mange mindre barn som deltek. Målgruppa for arrangementet er også avgjerande. Dersom det skal skjenkast alkohol i samband med arrangement der barn og unge er til stades bør det være avgrensingar i mengde / tal einingar ein kan kjøpe. Kulturskulearrangement og liknande er kanskje ikkje rette staden for ølsal. Arrangement for vaksne er noko anna.

Konfirmasjonsalder

Konfirmasjonsalder er viktig for ungdomane og representerer for dei eit naturleg skilje. At det er alkohol på Jordeplerock og Aurlandsmarknaden for dei over konfirmasjonsalder er akseptert. Dei tenker same grense kan være naturleg å nytte i samband med andre type arrangement. Til dømes romjuls cup.

Litt om Aurlandsmarknaden og liknande arrangement

Det er veldig viktig for ungdomane at det er arrangement som dei kan delta på også før dei når konfirmasjonsalder. Da slik at ikkje alle arrangement som skal være i kommunen har ølsal. Dei trekk fram familiekvelden på fredagen under Aurlandsmarknaden som noko veldig positivt. Her kan dei delta sjølv om dei ikkje er konfirmert ennå. Slik det har vore dei siste åra har dette vore einaste arrangement for ungdomane. Det har ikkje vore musikken som har vore avgjerande for at ein har kome, men det at det er ei arena / arrangement som dei er i målgruppa for og faktisk kjem inn på. Uavhengig av om dei er konfirmert. Det kjem også fram at det ikkje bør være alkoholsal under familiearrangement og dei delane av arrangementet som er ope for alle. Dersom det skal være alkoholsal på dagtid, bør det skje på eit avgrensa område.

Ølsal i butikk.

Ingen tankar kring salstid, men kring plassering av øl i butikkane. Øl bør ikkje stå ved inngangen eller nær kassa. Det bør plasserast litt vekk frå der barn og unge naturleg går. Til dømes på Spar bør øl aldri stå der frukt er i dag. Bør være mogleg å kjøpe brus, is, osv utan å sjå øl.

Med helsing

Guri Olsen

juridisk rådgjevar

